

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINSKI SUD U VISOKOM  
Broj: 41 0 K 089598 22 K  
Visoko, 03.06.2024.godine

## U IME FEDERACIJE BOSNE I HERCEGOVINE

Općinski sud u Visokom, po sudiji Avdiji Avdić uz sudjelovanje zapisničara Sejdić Džemile, u krivičnom predmetu protiv optuženog B.A.sina A. iz K., zbog krivičnog djela neovlaštena proizvodnja i stavljanje u promet opojnih droga iz člana 238. stav 1. KZ F BiH, rješavajući po optužnici Kantonalnog tužilaštva-tužiteljstva Zeničko-dobojskog kantona broj T04 0 KT 0044528 21 od 07.09.2021.godine, na pretresu za izricanje krivično pravne sankcije održanom dana 03.06.2024.godine, u odsustvu obavještenog Kantonalnog tužitelja i prisustvu optuženog B.A., dana 03.06.2024.godine, donio je i javno objavio:

### P R E S U D U

**OPTUŽENI : OPTUŽENI: B.A.**, sin A. i majke F. rođene J., ... godine u Z., nastanjen u ulici ... B.B. broj ..., općina K., pismen, završio SSS, po zanimanju elektro-energetičar, oženjen, otac dvoje mladb. djece, po narodnosti Bošnjak, državljanin BiH,

### K r i v j e

što je:

dana 02.02.2021. godine, u V., suprotno odredbama člana 4. stav 1., 2., 3. i 4., člana 19. i člana 20. Zakona o sprečavanju i suzbijanju zloupotrebe opojnih droga BiH, iako je bi svjestan da je držanje opojne droge radi prodaje zakonom zabranjeno, to je i htio, pa je neovlašteno radi prodaje držao opojnu drogu i to: 9 (devet) prozirnih pvc paketića zataljenih na vrhu u kojim se nalazi bijela NN materija neto težina: 0,338 grama, 0,302 grama, 0,371 grama, 0,313 grama, 0,305 grama, 0,349 grama, 1,279 grama, 1,314 grama i 1,005 grama za koju materiju je vještačenjem utvrđeno da sadrži psihoaktivnu komponentu amfetamin poznatija kao opojna droga „speed“ koja droga je pod rednim brojem 1. Liste psihotropnih tvari iz tabele II „Tvari i biljke pod strogom kontrolom“ proglašena takvom, 5 (pet) prozirnih pvc paketića, 4 zataljena sa strane a jedan vezan u čvor, u kojima se nalazi osušena zelena biljna materija neto težina: 0,786 grama, 1,07 grama, 0,97 grama, 0,765 grama i 0,635 grama za koju biljnu materiju je vještačenjem utvrđeno da sadrži psihoaktivne komponentu tetrahidrokanabinol (THC), identično kao cannabis, koja opojna droga je pod rednim brojem 13. i 26. Liste opojnih droga iz Tabele 1., zabranjene tvari i biljke proglašena takvom, te jedan aluminijski omot u koji je upakovana jedna tableta plave boje u obliku trokuta, djelomično oštećenih vrhova sa logom „The Punisher“ sa jedne, a ravnom crtom sa druge strane, dimenzija cca 4x12 mm, neto mase 0,324 grama, jedan aluminijski omot u koji je upakovana jedna tableta svijetlo smeđe boje u obliku čovječije glave sa logom „Donald Trump“ sa jedne, a ravnom crtom sa druge strane, dimenzija cca 3x12 mm, neto mase 0,405 grama, jedan aluminijski omot u koji je upakovana jedna tableta roza boje u obliku znaka „Y“, sa logom „Y“ sa obje strane, dimenzija cca 10x4 mm, neto mase 0,435 grama, jedan aluminijski omot u koji je upakovana jedna tableta roza boje u obliku štita, dimenzija cca 10x3 mm, neto mase 0,387 grama i jedan

alumijski omot u koji je upakovana jedna tableta svijetlo smeđe boje u obliku čovječije glave sa logom „Donald Trump“ sa jedne, a ravnom crtom sa druge strane, dimenzija cca 3x12mm, neto težine 0,419 grama za koje tablete je vještačenjem utvrđeno da sadrže psihoaktivnu komponentu metilendioksimetamfetamin, koja droga je pod rednim brojem 13. liste psihotropnih tvari iz tabele II „Tvari i biljke pod strogom kontrolom“ proglašena takvom, a koju opojnu drogu je dobrovoljno predao policijskim službenicima PS Visoko prilikom zaustavljanja i kontrole u ulici V.B., o čemu mu je izdata potvrda o privremenom oduzimanju predmeta PS Visoko broj: 08-02-09/1-15/21. od 02.02.2021. godine,

čime je počinio krivično djelo neovlaštena proizvodnja i stavljanje u promet opojnih droga iz člana 238. stav 1. KZ F BiH

Pa sud optuženom na osnovu istog zakonskog propisa: te na osnovu članova: 42., 49. i 62. KZ FBiH,

i z r i č e

### USLOVNU OSUDU

Kojom se optuženom za počinjeno krivično djelo utvrđuje kazna zatvora u trajanju od 1(jedne)godine, a koja se neće izvršiti ako optuženi za vrijeme od 3(tri)godine od dana pravosnažnosti presude, ne počini novo krivično djelo.

Na osnovu člana 239. stav 4. KZ FBiH, od optuženog B.A. oduzima se opojna droga preostala nakon vještačenja i to 5,32 grama, 4,078 grama i 1,826 grama, a koja opojna droga se nalaze deponovana u PS Visoko, koja će se uništiti pred Povjerenstvom za uništenje oduzetih opojnih droga, psihotropnih tvari, biljaka iz kojih se mogu dobiti opojne droge i prekursora posredstvom MUP-a ZDK Zenica PS Visoko u čijem se posjedu i nalaze.

Na osnovu člana 202 stav 1 u vezi sa članom 199. stav 2. tačka g) ZKP FBiH, optuženi je dužan platiti sudu na ime troškova krivičnog postupka u vidu paušala 30,00 KM, sve u roku od 30 dana, po pravosnažnosti presude pod prijetnjom izvršenja.

### Obrazloženje

Kantonalno tužilaštvo Zeničko-dobojskog kantona (u daljem tekstu KT ZDK), optužnicom broj T04 0 KT 0044528 21 od 07.09.2021.godine, optužilo je B.A. sina A. iz K., zbog krivičnog djela neovlaštena proizvodnja i stavljanje u promet opojnih droga iz člana 238. stav 1. KZ F BiH, ( Službene novine Federacije BiH br. 36/03, 37/03, 21/04, 69/04, 18/05, 42/10, 42/11, 59/14, 76/14, 46/16 i 75/17), (dalje u tekstu KZ FBiH).

Optužnica je potvrđena od strane sudije za prethodno saslušanje ovog suda dana 10.09.2021.godine. Na ročištu o izjašnjenju o krivnji dana 08.03.2022.godine, optuženi B.A. je izjavio da je kriv za krivično djelo neovlaštena proizvodnja i stavljanje u promet opojnih droga iz člana 238. stav 1. KZ F BiH

Na ročištu o razmatranju izjave o priznanju krivnje, dana 30.05.2024.godine, sud se uvjerio da je optuženi B.A. izjavu o priznanju krivnje dao dobrovoljno, svjesno i sa razumijevanjem, kao i nakon upoznavanja o mogućim posljedicama ovog krivičnog postupka.

Branilac optuženog izjavio da sud kao olakšavajuće okolnosti uzme priznanje optuženog, protek vremena od učinjenog krivičnog djela, da je optuženi imao tešku porodičnu situaciju, otac je dvoje djece mladb, te da se njen branjenik smatra neosuđivanim licem jer zbog svoje pravne neukosti nije zahtijevao brisanje ranijih osuda.

Optuženi je izjavio da mu je žao što se sve tako desilo. U to vrijeme imao sam raznih problema porodičnih, majka mi je umrla i sve se to dešavalo 2021.godine, poslije toga sam otišao u Francusku i zaposlio se, promijenio sam svoj život i obećajem da se to više neće ponoviti.

Sud je utvrdio da ima dovoljno dokaza o krivnji optuženog, nakon čega je prihvatio izjavu o priznanju krivnje optuženog i istovremeno odredio pretres za izricanje krivično pravne sankcije.

Sud je stekao uvjerenje da je optuženi B.A. počinio krivično djelo koje mu se stavlja na teret, a koje djelo je izvršeno na način, u vrijeme i u mjestu kako je to navedeno u dispozitivu ove presude nakon izvršenog uvida u predložene dokaze i to : zapisnik o ispitivanju osumnjičenog B.A. PS Visoko broj: 08-02-09/1-88/21 od 03.02.2021. godine, zapisnik o saslušanju svjedoka H.M. PS. Visoko broj: 08-02-09/1-85/21 od 03.02.2021. godine, zapisnik o saslušanju svjedoka L.H. PS Visoko broj: 08-02-09/1-86/21 od 03.02.2021. godine, nalaz i mišljenje hemijskog vještačenja, FUP Sarajevo, Centar za forenzička ispitivanja, vještačenja i istraživanja Sarajevo broj: 09-18/2-03-5-516 od 10.05.2021. godine, potvrda o privremenom oduzimanju predmeta Visoko broj: 08-02-09/1-15/21. od 02.02.2021. godine na ime B.A., zapisnik o izvršenoj radnji privremenog oduzimanja predmeta i popisu privremeno oduzetih predmeta PS Visoko broj: 08-02-09/1-15/21. od 02.02.2021. godine, zapisnik o otvaranju i pregledu privremeno oduzetih predmeta i dokumentacije PS Visoko broj: 08-02-09/1-32-1/21 od 12.02.2021. godine izvod iz kaznene evidencije za lice B.A. PU I Zenica od 08.02.2021. godine, uvid i čitanje u fotodokumentaciju PS Visoko broj: 08-02-09/1-32/21 od 02.02.2021. godine (sa datumom izrade od 09.04.2021. godine) i fotodokumentaciju-otvaranje privremeno oduzetih predmeta PS Visoko broj: 08-02-09/1-32-1/21 od 24.02.2021. godine (sa datumom izrade od 05.04.2021. godine).

Naime, priznanjem optuženog koje je u potpunosti i u skladu sa predloženim dokazima, nesporno je dokazano da je isti počinio krivično djelo koja mu se stavlja na teret.

Sud zaključuje da je optuženi navedeno krivično djelo počinio sa direktnim umišljajem, jer je bio svjestan svog djela i htio njegovo izvršenje, a sud u toku postupka nije posumnjao da na strani optuženog postoje okolnosti koje bi dovele u pitanje uračunljivost optuženog, jer iz predloženih dokaza ne proizilazi sumnja da optuženi nije bio u mogućnosti da shvati značaj svojih djela i da upravlja svojim postupcima u vrijeme izvršenja djela.

Stoga je sud optuženog oglasio krivim za navedeno krivično djelo i izrekao mu krivično pravnu sankciju.

Prilikom izricanja krivično pravne sankcije sud je cijenio optuženom B.A. kao olakšavajuće okolnosti činjenicu da je priznao izvršenje krivičnog djela koje mu se stavlja na teret, čime je u mnogome doprinio utvrđivanju činjeničnog stanja i skraćenju krivičnog postupka, kao i ostale

okolnosti koje su optuženi i njegov bratielj naveli. Dok otežavajućih okolnosti sud nije našao jer su stečeni uslovi za brisanje ranijih osuda.

Cijeneći utvrđene okolnosti na strani optuženog, sud je optuženom B.A. , za navedeno krivično djelo na osnovu članova: 42., 49. i 62. KZ FBiH, i zrekao uslovnu osudu kojom se optuženom za počinjeno krivično djelo utvrđuje kazna zatvora u trajanju od 1(jedne)godine, a koja se neće izvršiti ako optuženi za vrijeme od 3(tri)godine od dana pravosnažnosti presude, ne počini novo krivično djelo, u uvjerenju da će se istom, ostvariti svrha kažnjavanja predviđena u članu 42. KZ FBiH, te postići kako opća, tako i specijalna prevencija jer bi izricanjem kazne zatvora optuženi ostao bez posla od kojeg izdržava djecu.

Na osnovu člana 239. stav 4. KZ FBiH, od optuženog B.A. oduzima se opojna droga preostala nakon vještačenja i to 5,32 grama, 4,078 grama i 1,826 grama, a koja opojna droga se nalaze deponovana u PS Visoko, koja će se uništiti pred Povjerenstvom za uništenje oduzetih opojnih droga, psihotropnih tvari, biljaka iz kojih se mogu dobiti opojne droge i prekursora posredstvom MUP-a ZDK Zenica PS Visoko u čijem se posjedu i nalaze.

Na osnovu člana 202 stav 1 u vezi sa članom 199. stav 2. tačka g) ZKP FBiH, optuženi je dužan platiti sudu na ime troškova krivičnog postupka u vidu paušala 30,00 KM, sve u roku od 30 dana, po pravosnažnosti presude pod prijetnjom izvršenja.

Sudija  
Avdija Avdić

POUKA: Protiv ove presude dozvoljena je žalba Kantonalnom sudu u Zenici, putem ovog suda, u roku od 15 dana od prijema presude, u tri primjerka.